

補遺精譜水卷

光緒乙酉仲夏新鐫
板藏金陵冶麓山房

叙

雨生同年家世南都性耆饌述玉帶一河溯洞从之網
羅叢殘釐爲斯志權輿赤烏下逮並世川瀆異同仰鏡
乎前載人物臧否用紆乎來軫禪靈渚塞緬僧辯之遺
烈治官臺圯慕文舉之高致中離屯難履碁不續陵谷
貿遷英豪凋謝一水縈鏡濯旣絕之纓雙橋落虹蝕曾
題之柱此則板橋雜記係興替於簡端白下瑣言陶哀
樂於弦外者矣僕江左棲遁越一星終橫舍我我校經
斯在每詣次宗之肆輒經元禮之門眎我一編騷屑鄉
運瀆橋道小志
一
故水經標目殆道元之附庸風土名篇實孝侯之掌錄
循省未竟心鄉往之甲申孟陬金壇馮煦

叙

儒者侈言六合求之千里萬里外以誇多鬪博而桑梓
敬恭之地童時釣遊嬉戲之所或瞠目不能對數典而
忘其祖識者譏焉古今志乘之書汗牛充棟若常棠之
澉川志殷萃叟外岡志錢敬亭續外岡志所記不過一
隅而父老之舊聞鄉先生之嘉言懿行與夫里巷街衢
溝渠橋梁祠宇園林之變易人情風俗之今昔異宜已
彙括於篇信乎志無大小惟要於可信而已吾友陳君
雨生留心鄉邦文獻手所鈔輯數千紙邑人脩郡縣志

運瀆橋道小志

二

輒倚之集事里居之暇復爲運瀆橋道小志以水爲經
以橋爲緯縱橫僅十里而父老之舊聞鄉先生之嘉言
懿行與夫里巷街衢溝渠橋梁祠宇園林之變易人情
風俗之今昔異宜慨乎言之而出以謹嚴則固澉川志
與外岡兩志之例也抑予先世嘗居張府園陳氏宅又
遷易駕橋李氏宅皆近運瀆迴憶曩昔所見衣冠樸儉
勤於職業富者知名之可好施與無所吝學校之士尤
兢兢於繩檢今且四十餘年矣老成典型猶時時在心
目中讀此書益愀然雨生與予同筆硯垂二十年又申

之以婚姻其冲澹寡營博聞強識同輩皆心折然亦天
有以成之生平著述等身茲編特乘韋之先其益出所
蘊以爲後進模楷使人人生桑梓敬恭之思乎乙酉浴
佛後一日上元秦際唐

題辭

甘元煥

清泓一水繞禪靈
梧竹蕭疏揖蔣亭
江左風流文獻在
偶梳屐齒補圖經

柵寨葑淤閉尾閭
于湖一論實權輿
開編領畧褰裳意
漫比茅亭野客書

劫後伽藍例洛陽
從君證古語能詳
結廬久欲棲桑泊
種秫猶留半頃荒

朱桂模

水深土厚羨新田
負鍾原宜瘠大川
撈淺近年功孰偉
運瀆橋道小志

四

宗臣遺愛肅雕籩

曾文正沈文肅兩公俱飭營勇疏濬

桑梓人文毓地靈
檀橋芹藻舊流馨
仲弓居宅今相近
太史應占聚德星

顧雲

吾鄉在前明蜚聲
有三僑其一陳氏
沂圖經箸充牧遙
遙數百年芳徽君
再振削簡畦畛明
操管經緯順伽藍
俄盛衰道里參疑
信何如誌桑梓沙
錐兼泥印撰述況
未央千里此發軔
世舊君儻甄敢援
華玉進

君撰金陵通紀通傳

二書通傳以族姓為類故及之

通鑑綱目

運瀆橋道小志

江甯陳作霖編

建康形勝入姓所都市井山林俱堪證古然輿圖
寥廓挂漏是虞軌迹搜尋必自近始予家世居講
堂大街今移紅土橋皆與玉帶河為邇履綦所接
耳目較真以水為經以橋為緯街衢四出十里而
遙遠述舊聞近稽時事其細已甚君子所嗤作運
瀆橋道小志

運瀆首受秦淮水北流為支河有橋跨其上曰斗門

運瀆橋道小志

運瀆者吳赤烏中所鑿也

建康實錄吳赤烏三年使左御史都儉監鑿城西南

自秦淮北抵倉城通運於苑倉謂之運瀆按城宮苑城也倉城石頭倉城也苑倉宮苑倉也仲謀

創業營建石頭倉穀轉輸由淮入瀆糧艘萬斛廓其

有容今裁通舟夏漲冬涸民居迫束流緩易淤穢惡

所傾日積日甚汲飲濁胃職此之由苟舍濬治別無

善策

明南京工部尚書丁公賓濬河疏畧云自水西門覓渡橋起入水關至北門橋止是為正河由

斗門橋紅土橋乾道橋又由淮青橋四象橋內橋會同橋魚橋二水會同俱從小新橋倉巷橋望仙橋周

家橋鐵窗橋出城是為大支河包藏於正河之內又有各支小河環於大河之外用以吐納靈潮疏流穢

惡通利舟楫故居不病涉小民生業有資譬如人身臟腑居內有血脈營衛以周流也若使血脈一淤則



元氣積滯而身必受其病故河道之開塞所係良非輕也顧文莊公起元城內諸水攷略云江甯自秦淮通舟外惟運瀆與青溪古城濠可容船艦然青溪自淮青橋入至四象橋而阻運瀆自斗門橋入西至鐵窗橋東亦至四象橋而阻以河身迫狹又民居侵佔者多易為湮塞也若當事者肯議為疏濬則支流分派無犯濫之憂矣由是勤加疏濬自明以至國朝其近而可知者則嘉慶二十二年鹽巡道方公體請於制府自斗門橋至北乾道橋東至內橋西至鐵窗橋悉濬之道光四年江甯府知府余公需元以義振餘銀復濬之謂為新河咸豐元年總督陸公建瀛又濬之同治四年總督曾文正公又濬之光緒五年江甯布政使桂公嵩慶其淮水支港通瀆處古謂之禪又濬之此其大槩也

靈渚梁都督王僧辯討侯景之師所從入焉

梁書王僧辯傳

乘潮入淮進至禪靈渚

艤艫巨艦銜尾而前奔浪驚濤渺瀰可

運瀆橋道小志

二

想以今相況殊覺不侔陵谷變遷匪朝伊夕矣渚西

北有禪靈寺

在倉巷西道光中猶存

半里而遙舉目可見今隔

闐闐邈若山河或乃以寺前范家塘為渚豈當時迴

波溶漾與渚相通久遭塞湮僅餘數畝歟禪靈寺橋

者即今之斗門橋也橋上有觀音閣同治初里僧所

建後軒三楹俯臨瀆水舟過其下時聞槳聲然沿河

細徑為所占斷矣橋東右轉循瀆南臨淮水為渡船

口或曰古舟子洲遺址在是

肇域志梁天監十三年以朱雀門東北淮水紆

曲數有水患又舟行旅衝太廟灣乃鑿通中央為舟子洲其後諸郡秀才上計率憩止於此子友

嚴君雋鴻殉粵寇處也君字順之江甯僧生家居斗門橋賊擁之出被害於此其

家馘焉渡口濱淮東出有玉帶巷東通上明成國公朱

儀宅在焉見南都察院志或指此稍北又有巷曰小

彩霞街東通顏街南有聚峯園湖石嵌空梓陰蔽日

林亭點綴鬱為茶寮予幼時猶及見之即幸春園茶社之址也見

白下瑣言又相傳斗門橋南有畫錦堂宋王園西北

有南雞鵝巷以北門橋有雞鵝巷為明巷盡處為講

堂大街即斗門橋直東街也自橋坡而下舊為買毛

竹者所居削筋斲栝比戶皆是諺曰斗門橋快子兩

運瀆橋道小志

頭忙得諷刺之旨焉今業此者僅數家矣再東為果

子行口街衢交午處也南為彩霞街肉膩魚腥米鹽

糶雜市廛所集萬口一囂街北有巷曰陳善坊舊名

松竹園再北為嘉兆巷北通干交午於二巷之間者

曰南市樓東通評事街明十四樓之一也本宋安遠

樓故址金陵瑣事引蘇林學山云永樂中晏振之金

賓重譯鶴鳴醉仙樂民集賢謳歌鼓腹輕烟淡粉油

檀裙屐膏首塗脣勝國樊風教坊為甚浸淫閭里殆

三百年太守陳公欲革靡俗妓寮盡毀閑閣聿興月

吉歲時與民讀法講堂之號實肇於斯

金陵聞見錄長沙陳公鵬

年來江甯府拆毀南市樓改講堂命父老於朝望講孝弟忠信禮義廉恥今講堂大街是也二林居集總督阿山欲劾陳公摺撫無所得則以公嘗逐娼建亭其中月朔宣講聖諭為大不敬奏之幾罹不測焉

道北有先鄉賢公所居舊宅

公諱指授之授字石渠諸生同治中入祀

鄉賢蘭生空谷無言自芳盛德感人望廬致敬今尚有族人居之迤東樓二楹先中書公兄弟讀書之所

所謂棠芬書屋也

公諱綱維之維星垣之垣字豐之鄉賢公之次子也以嘉慶己卯進

士官內閣中書故老相傳當時攻苦寒雞再唱猶聞書聲亂

後樓夷變為房闔眷懷先德感慨實多宅西有山東

運瀆橋道小志

四

會館再西有泰倉巷

北通干章巷

巷口跨街築樓以祀文

昌神里人之所崇奉也其西人家屋後皆濱瀆矣斗

門橋西為油市大街諺以耳語為上油市有竊脂之

義焉街北有甘雨巷

北通紅土橋

古名乾魚巷曰甘雨者

音之譌也又有塞巷曰豆腐苑即斗門苑曰豆腐者

音之轉也甘雨巷中道西有太平會館與會館相向

者有尚書何恪慎公舊宅

公諱汝霖字雨人江甯人道光中以舉人官至禮兵

二部尚書風度温温諡稱其行達官聽事旋馬僅容今沈

氏所居者是也會館側有塞巷曰銀臺第以羅振彝

通政居此得名通政諱秉倫上元人直節清風光被

鄉國鳴珂改里桑梓之恭也稍北又有車兒巷巷中

道北有陳茂才大鏞宅咸豐癸丑之變其夫婦殉節

之所也陳君字一山江甯諸生讀聖賢書誓不見賊潔清自守

甕水流芳今宅址已易主矣自巷西出為糯米巷北

安品街糯米巷道西有中州會館由會館南行巷盡處

仍為油市又名故衣廊道北有炎帝菴定遠方氏之

所修封崇寺僧嘗以為下院焉又有巷曰平安塞巷

也巷西舊有談忘崖比部宅比部諱羽儀江甯人以諸生入賞為郎中隨園

運瀆橋道小志

五

之弟子也及今安徽會館會館舊為姚氏宅中有品雅園古栢蒼然亭宇修潔

同治中總督行轅及江甯府府皆棟宇連雲樓臺撲地

疑明定遠隆平二侯府也二侯府在油市街見南都察院志其間又

有陶京山司馬宅宅前有解元坊司馬諱紹景江甯人乾隆中鄉舉第

一官至淡水同知乙巳大荒以千金散族人嘉慶初

重宴鹿鳴其諸孫渙悅濟慎皆舉人甲戌大禮出金

助賑巨萬以緡紳耆艾領袖里閭任恤睦嫻世濟其惠今

已門無達宦矣宅側北出有燈籠巷通安品街巷中道西

有地藏菴焉由安徽會館西行過倉巷口道北有天

后宮全閩之會館也建康志水西門街有廣濟坊在廣濟倉東南又有惠澤龍王廟

在大軍庫東今再西爲水西門又曰三山門取三山皆不能指其處

半落青山外爲義古所謂龍光門殆卽是與肇城志

龍光門西出曰城側迤北有巷曰翠頭尖象形以爲名也入

巷東北行穿木屐巷而出則至於倉巷南通水西門街北通府學

前倉巷者人文萃聚之區也冶山之氣鍾毓所凝戶

列簪纓家興弦誦南頭有龔梧生太守宅太守諱孫

乾隆中以進士官至曹州知府有循聲北頭有黃輯五學博宅學博諱

人康熙中以貢生官震澤訓導敦崇儒行今修撰思永其裔孫也其子孫尚世守焉

木屐巷中有遠鎮菴明朱元介侍郎出使朝鮮歸而

運瀆橋道小志

作此其後卽以爲家祠壁間舊嵌侍郎父杜村太守

石刻小象太守諱衣嘉靖中以舉人官至沅州知府峩冠博帶風格肅然

今藏其裔孫家與木屐巷相竝者爲朱狀元巷以侍

郎故里得名侍郎諱之蕃萬厯中以南京錦衣衛籍成進士廷試第一官至工部侍郎高

文狷節殊俗嚮風晚歲告歸怡情詩酒曠懷遠韻無

愧龍頭矣朱狀元巷北又有丁家巷巷中有文昌巷

及高攀桂妻蔡貞節木坊巷盡處爲范家塘北界止

望城雉堞參差環如屏障垂楊蘸水掩映鳴榔畫中

之文待詔也塘側有佛柱一月黑天陰以鎮鬼物禪

靈之境止於斯已由木屐巷迤南東出有街則與紅土橋遙相望也

運瀆水自斗門橋北流至紅土橋再北過草橋而西折焉

紅土橋者南乾道橋之俗名也嘗有掘地深三尺者見其下土色皆紅而知見稱之由蓋治麓之餘氣焉

橋東爲干章巷

東通評事街

舊名銀倉巷道北有富德巷

北通打釘巷俗呼瓦子巷本宋和熙樓故址明因之建北

市樓又謂之富樂院後院移武定橋而樓遂廢橋坡

運瀆橋道小志

七

西下北出有驢皮巷

北通草橋街

攻皮者比戶而居腥穢

之氣夏月逾甚臨河洗濯水爲之汙禁止屠宰以清

其本是在良有司已巷北口植長木高出天半兵火

之餘無稍損焉橋西直街卽沿橋名予家適當道北

宅燬於兵亂後重建一瓦一木備極經營予移居詩

所謂綢繆成牖戶毋乃父母勞蓋紀實也宅後有隙

地數畝強名之曰可園土阜坡陀築亭其上諸山蒼

翠近接檐楹種竹蒔花以悅晨夕蔬肥筍脆甘旨足

供園居奉親無復進取志矣宅西數武過甃門爲安

品街西通倉巷街北舊有關帝廟嘉慶中江甯知縣錢廟

西有馬湘帆侍御宅侍御諱沅江甯人道光中以庶常官御史工駢文善詩著有駐

飄閣文稿塵定軒詩稿文章華國遺藁厯存徐庾之流派也又

有陳子璿茂才宅陳君諱瑒江甯諸生精天文勾股學九章算術綜貫

中西傳入疇人實無愧色今其址皆易主矣再西有

普利寺明天順間所勅建也門左右有二狻猊像鎮

質猗猶光黝如黍俗呼鐵師子牙鑄物吉金今皆羽

化護持龍象無復莊嚴為流連者久之道北委巷縱

橫其近甃門者曰輝復巷北通七家灣自巷東出又有小

運瀆橋道小志

輝復巷東通驢皮巷子宅後戶所在也稍東道北有圓通

巷夜半鐘聲聞從枕上動人猛省之思焉由小輝復

巷口北行數武舊有通靈觀趙宋時之所建也見南都察

院志癸丑之變予前室席孺人藁葬其地今觀已就圯

里僧立三官殿於側以奉香火予特立石築冢志之

子孫庶不忘乎觀迤西有巷曰醬棚營其貫營橫通

安品街者曰長巷北通年家桿子長巷之半有土阜曰狗皮

山嘉慶中濬運瀆其泥皆積於是山下舊有地藏菴今為叢葬之所

悲風蕭瑟時閃青燐夜行者戒焉由醬棚營西出有

牙檀巷

南通安品街北
通年家桿子

地近禪林香烟繚繞命名所

在實取於茲巷迤南西轉經封崇寺前再西為月牙

巷

西通

今為民居所隔月牙巷乃南折而達安品街

矣封崇寺者趙宋時因舊報慈麻院而建也

見建康志

樓奉佛疲津梁像故俗謂之臥佛寺舊有佛經全藏

華嚴歷劫三昧歸真法界中興彈指復現晨鐘暮鼓

戒律精持城南之大利也

粵寇之變主僧炳炎焚菴以殉同治以來德誠重修

之佛殿僧寮
悉符舊制

壁多建康府倉甄蓋鐵塔寺之故物趙

宋遺燬於此厯存寺側古有禹王廟

見至正金陵志

三江順

運瀆橋道小志

九

軌大哉禹功廟祀千秋允宜美報遺構久迷致足慨

已由牙檀巷北出為年家桿子草橋西之直街也草

橋者北乾道橋之俗名古有高陞橋跨運瀆上疑當

其地南朝建康西尉之所治焉宋時有建興寺年湮

代遠按牒難徵矣橋坡西有嘉慶時畫師崔瑤與妻

黃百歲石坊烟雲供養世享大年人瑞也

瑤子溥亦善畫年九

十橋東為打釘巷

東通評事街

巷北有禮拜寺同民之所

奉也自草橋以至七家灣半為同民所居故有是寺

寺側有委巷曲折東出貫評事街而過為竹竿里

東通

橋鴿子即古之竹格巷以臨竹格渚而名格竿者聲之

轉也見肇域志晉王含犯順之師嘗從此濟見晉書狼奔豕

突間道出奇沿淮溯青此為要隘矣其間古有謝鎮

西寺晉鎮西將軍謝尚宅在竹格渚永和四年捨為莊嚴寺宋路太后改謝鎮西寺久廢將軍

高詠武亦能文晚謝朝權棲心禪悅典午清談之習

也今雖故址難定而枉渚可尋實為運瀆之東源焉

青溪水自內橋來會之為運瀆東源西流過鴿子橋羊

市橋之水入焉

運瀆東源者導青溪水而西注者也六代以來溪流

運瀆橋道小志

浩渺引以濟運汨汨其來前明塹城斷不復續護龍

一曲細僅如溝既過內橋乃始名瀆橋昔在南唐宮

城內故謂之內橋閣道橫空上應星漢天津之名所

由昉也橋南直街即曰天津街明山陰唐侍讀之瀆

宅在焉侍讀為方正學所薦同纂法戒錄於天津街見靜志居詩話今謂之府東

大街南通三山街街轉西為江甯府署俗傳為吳都督周

瑜宅不足據也署內舊有主一堂陳太守開虞所建

也高齋塵靜主客皆清廓園雅吟足資故實廓園龔翰字也

翰上元人有題主一堂詩儀門西舊有江防同知署經歷檢校諸